

## Sospechosonan a presenta dilanti Corte ayeramainta pero ningun hende kier duna e motibo

ORANJESTAD(AAN): Ayeramerdia e tres sospechosonan Deepak Kalpoe, Satish Kalpoe y Joran van der Sloot a presenta na corte.

DIARIO a obtene informacion cu Ministerio Publico a wordo pidi di parti di e abogado di e sospechosonan, pa ta presente na corte.



Ta asina cu abogado di Joran van der Sloot a hasi un peticion na Huez di parti di tata di van der Sloot, pa e haya un chens di wak y papia cu su yiu.

Abogadonan di Deepak y Satish a hasi un peticion relaciona cu asina yama "Onthouding van Proces stukken", cu ta encera cu e abogado di rumannan Kalpoe falta di haya algun documento relaciona cu e caso di Natalee Holloway. Awe mainta Huez lo dicidi kiko ta bay para cu e peticion di e diferente abogado.

Pa loke ta pakiko e tres sospechosonan mes tabata na corte, DIARIO a puntra Ministerio Publico e motibo pa cu esaki, sinembargo Ministerio Publico no por a bisa nada al respecto.

